

四庫全書

子部

欽定四庫全書

子部

六藝之一錄卷一百三
四

詳校官中書臣陸 湘

頁外郎_臣牛稔文覆勘

總校官檢討_臣何思鈞

校對官編修_臣沈清藻

謄錄監生_臣武先振

欽定四庫全書

六藝之一錄卷一百三

錢唐倪濤撰

石刻文字七十九

宋玉象之輿地碑目

廣德軍碑記

顏真卿橫山廟碑 碑載自梁天監五年至唐天寶中
以祈禱感應始贈水部員外

廣德軍桐汭志 郡守趙亮夫序

南康軍碑記

夏禹石刻 在上霄峰石室中世傳夏禹所刻其大如

掌文皆隱起僅百餘言亦載於江州

梁簡寂觀碑 梁太子僕射沈瑑撰

唐簡寂先生陸君碑 唐寶應中翰林供奉吳筠撰南

唐保大中立

簡寂觀碑改修靈寶殿并記 改修靈寶殿并齋記唐

御史大夫王路撰

簡寂觀修立石路記 唐掌元帥表奏徐憲撰

楚王谷景德觀記 朝奉郎柳宏撰

唐處士顏君碣 黃太史記海昏縣齋觀智顯寺竹林
中所得顏家壘斷碑魯公大字清勁秀發者是也

龍紀道碑 唐永徽四年

南山寺題鐘 唐龍紀元年

流霞觀記 唐乾寧四年

永安縣記 後周顯德七年 已上四處並在都昌縣

靈溪觀碑

南唐機書正字宋渙撰今名祥

闕觀

貞風觀碑

南唐虞部員外郎韓熙載撰碑陰有當時

嬪御姓氏十餘人今名先天觀

徐鉉石刻

在白雲菴

古書堂記

在城西十五里南唐時李古為江州刺史

作記刻于崖下今見存

報恩院寺額

寺在福星門內軍學之西號塔院南唐

李後主所書院額其碑尚存

慧悟師沖照寫真讚 西華楊悅撰

簡寂觀新建石壇記 虞部員外郎陳覺撰

簡寂觀新建大殿記 安西將軍張崇撰

陳令舉廬山記五卷 碑刻詩什莫不畢載

廬山續記 紹聖中太守馬玕因訪廬山諸寺創始之迹出陳舜俞令舉廬山記以閱之且謂令舉書止述記者之姓氏而不記其所述之文因取碑碣凡令舉所不載者名曰廬山續記

隆興府碑記

唐豫章冠蓋盛集記 獨孤及撰

舊石柱記 嚴譔撰

新石柱記 來集撰

韋公遺愛碑 杜牧撰在觀音院

滕王閣記 王勃撰

延壽寺碑 寺在府城徐騎省嘗為寺碑

李衛公劍池賦 在豐城縣西北寶氣亭

李司空廟碑 在豐城縣去縣二十五里長豐鄉司空
姓李諱承禹李神福之長子也戰歿於此因廟食焉
南唐徐鉉為立碑以紀其事

寶峯院記 在靖安縣地石門山之寶峰院唐權德輿
為之記商翱為塔銘

總持寺碑 容齋三筆云隆興府城內總持寺有一碑
乾符三年牒又一紙乃中和五年牒

棲霞觀記 在靖安載劉懿真登仙事鄭安靖為記今

碑尚存

天宮寺金銅釋伽像記 在城之景德院光啓二年記

崇勝院古碑 在新建縣洪井北二十里

廣化院碑 院在洪井上之翠岩韓熙載徐鉉為之立碑

龍沙章江院碑 在城北南唐清泉禪師居之保大四年順化韓熙載作碑文

開元寺藏經 寺在城東藏經皆唐經生所書

梅仙觀碑 在新建西北三十里今名陽靈觀昔梅子
真旣以仙去嘗于山上築壇以朝斗後人立觀以奉
之唐末羅隱嘗為梅先生碑

法正禪師碑 在新奉之仁智院以元和十四年歸寂
柳公權為之碑陰文多殘缺今猶存二三百字可讀

寶雲寺碑 在新奉縣東百五十步有鐵鑄菩薩五十
二軀唐寶大六年秘書郎陳用寬為之記今碑見在

昭德觀碑 徐鉉作重建觀碑在新奉之昭德觀今碑

尚存

西山風雨池記 正元三年權德輿撰

唐故洪州開元寺石門道一禪師塔銘 權載之撰

後漢徵君徐君碣銘 張九齡撰

北海李公放生池碑 張九齡撰

海陵王墓碑 慶厯中江州江岸摧得謝眺撰并書齊

海陵王墓銘謝眺文固竒而書亦有法類鍾繇書石

入沈括家十餘年後為夏元昭匿之不知所在

江西使院小史記 集古錄云唐崔祐甫撰陸蔚之書

開元二十二年始分江南十七州為西道宣州至于
此凡十八使此石以長慶三年立

文宣王廟碑

唐齊

闕

文權載之集云

豫章舊志一卷

晉會稽太守熊點撰

豫章事實

雷次宗撰見於崇文總目

豫章古今志

雷次宗撰見隋書經籍志

豫章記三卷

南唐徐廩撰

洪州圖經 李宗諤編 新建圖經 余襄公撰

職方乘 洪芻編 續職方乘 李大異編

瑞州碑記

唐淨居寺碑 寺在上高縣西四十五里舊曰龍居隋
開皇九年置唐貞觀三年廢大歷三年復寺有碑施
肩吾文太和時進士

中和二年石刻 唐二賢廟在高安縣調露鄉應智頊
幸南容之祠有莆田黃滔中和二年石刻記廟立於

貞觀初元和時敝南容修之寶曆景午里人併祀南容李德裕為袁州長史為書祠額

普濟院碑 院在上高北十里武泉山南唐保大中僧義從再築有同光宗記

五代楊溥浮橋記 在州西五龍廟下載偽吳楊溥乾正二年浮橋記云云

南唐新建御名州碑 在鳳凰山之碧落堂碑乃南唐保

大十年立

南豐曾鞏學記 在州學

東坡書大愚石臺山詩 在本山

樂城書郡圃八詠 在郡圃

山谷書道院賦 在州治

蜀江志 學職雷公編 瑞州志周徐序

高安志 郡博士幸元龍編

袁州碑記

唐劉禹錫碑 萍鄉楊岐山廣利禪院唐開元中廣利

禪師塔劉禹錫作碑石尚存

唐黃顏文宣王廟記

顏宜

闕

人為文與盧肇相上下

所著者千餘篇獨郡庠文宣王廟記存

袁州學記

皇祐中祖無擇營建州學李泰伯為之記

章友直為之篆李洪書世號為三絕碑元豐間館學

第天下學記以袁為冠

上真觀記

在分宜南唐徐鉉為之記

乘廣禪師碑

集古錄唐劉禹錫撰并書劉中錫篆額

碑以元和二年立在棗州

唐相國房公銘之陰 柳子厚文有云唐之大臣以姓
配 最著曰房公相玄宗肅宗甚德袁人袁人不勝
其懷李華銘公之德刺史王涯為刻銘

舊宜春志 童宗說編

新宜春志 郡守滕強恕序

撫州碑記

東方朔畫像贊 臨川志晉夏侯湛作初碑在德州天

寶十三年平原太守顏真卿作大字勒之他石今碑
在宜黃富民家凡為石六丈高一丈五尺

謝康樂翻經臺記 顏魯公為之今碑已經再刻

杜佑志思碑 在東城三十步大歷十三年建刑部侍
郎包佶文時佑為刺史

張景倩清德碑 在州城東三十步大歷五年建顏真
卿文并書篆額時景倩為刺史

戴叔倫遺愛碑 在州城東三十步貞元四年建時叔

倫為刺史

魏夫人仙壇碑

晏公類要云在壇側唐大歷四年立

顏真卿文

元子哲遺愛碑

在崇仁縣南五步大歷五年準尚書

考功符建立顏真卿文今存見晏公類要

顏魯公寶蓋山記

在崇仁縣

律藏院戒壇記

集古錄唐顏真卿撰并書院壇皆僧

智融所立在州之寶應寺

唐撫州景雲寺故律大德上弘和尚石塔碑銘 白樂

天撰

江州碑記

夏禹石刻 郡國志云在上霄峯石刻中世傳夏禹所刻其大如掌文皆隱起僅百餘言亦載於南康軍

慧遠法師碑銘 集古錄宋謝靈運撰張昌序東晉末居于廬山東林碑在廬山

隋廬山西林道場碑 集古錄云渤海公撰以大業十

三年立在廬山西林寺

唐辯石鐘山記 在州治唐太和元年李渤撰

太平觀使者靈廟記 在本觀唐開元二十年李泚撰

使者靈驗記 在太平觀開元二十年

張靈官記 在太平觀南唐徐鉉撰

祥符觀真人廟記 保大二年南嶽秣陵道士倪少通

撰

東林寺碑 集古錄云唐李邕撰并書開元十九年立

在東林

復東林寺碑 集古錄云唐崔閣撰柳公權書以大中

十二年立在東林

佛馱舍利碑 集古錄云唐李湜撰明乾節書述東林

興廢五本末在東林

東林寺賦 集古錄云唐李德裕撰周墀篆書會昌五年刻李德裕有記同刻在廬山東林寺

東林寺碑銘 寺有晉唐以來碑刻及詩塔銘慶元已

酉經回祿之後間有存者

西林寺道場碑 在本寺隋大業十三年歐陽詢撰

唐顏真卿題名 在道場碑文之上

唐西林齊名和尚碑 在本寺太和六年

唐大中題名 在道場碑文上

唐江州刺史裴行諷作記 在齊明和尚碑陰大中十

四年

唐興果寺湊公塔 元和十二年白居易撰碑

唐弘和尚石坎 元和十年白居易撰碑

唐韋應物蒲塘驛詩 在德安縣驛中

玉清觀碑 在順昌縣本觀偽唐甲戌立

陶秋碑 在彭澤縣南門唐景龍中馬澤撰

江州司馬廳記 元和十二年七月八日白樂天撰

江州南湖隄銘 李翱撰

顏魯公祖亭碑 事見祖軍廟下

唐狄梁公碑 在彭澤縣唐皮日休撰錢雍書

潯陽志 曹訓序

吉州碑記

大業碑又謂之故州碑 吉水縣東北二十五里有故城續通典云故州城堞尚存上没江中有龜趺在沙磧有石碑半存江中秋冬水清人謂尚見大業等字

香城寺碣 唐皇甫湜作在郡西景德寺

王鵠墓碑 唐平盧節度使王師範之子也

輔順廟碑 在永和鎮有周顯德五年碑

廬陵縣令廳壁記 唐皇甫湜撰

靖居寺碑 在廬陵之青原山有大中五年段成式記
及天寶六年大和尚碑

國處寺經藏記 在廬陵有太和四年經藏及開成四
年郭京記

顏魯公真卿題名 在廬陵青原山之靖居寺

吉祥院記 在廬陵縣西六十里今名寶巖院有南唐
保大十五年薛良記

元寂禪師塔碑 在吉水縣之龍華寺韓熙載撰

朱陵觀碑 在吉水縣南八十里碑文徐鉉所撰

齊芸亭碑 在安福縣西九十五里有芸亭碑齊永明

二年立其文磨滅

唐李昇石刻 李昇仕唐為安福令有讀書齋石刻今

存

劉史仙壇記 唐咸通中劉史撰

禾山大舜二妃廟碑 在太和縣南唐西昌令張翊撰

紫陽觀新興佛碑 在太和縣南唐西昌令張翊撰

白鶴觀碑 在太和縣西二里徐錯撰

吉州刺史廳壁記 皇甫湜文

廬陵香城寺碣 皇甫湜文

岑夫人記 集古錄云不著書撰人名氏夫人南陽人

適隴西董淑碑以廣德中立

段成式廬陵觀下記 見唐廬藝文志

顏魯公廬陵集十卷 見今狐闕所撰墓碑

廬陵志 周必大編纂

贛州碑記

天竺寺白樂天詩 在水東三里白樂天贈韜光禪師

墨跡舊存眉山老蘇嘗至寺觀焉後四十七年東坡

南遷再訪惟見石刻因賦詩云香山居士留遺跡天

竺禪師有故家空見連珠并疊壁已無飛鳥及驚蛇

唐鍾紹京書 城東五里惠雲院有臨池禪院四字乃

唐鍾紹京書

大覺禪師塔銘 在贛縣東北一百二十里有唐長慶四年大覺禪師塔銘李渤為銘柳公權書之又有郡守唐枚銘及大寂禪師塔銘亦權德輿筆也

廣澤廟碑 廟在贛縣儲潭之麓廟中石刻有唐時州刺史裴諝祈雨感應碑

天王廟碑 在州衙後門城樓上唐咸通二年刺史李振撰唐代石刻無恙者惟此

福田院碑 在寧都縣有唐咸通中進士楊知新重修

寺記

崇福寺碑

在寧都縣東

江院有修寺碑及食堂二

記皆偽唐時郡人束愉文

李後主重陽詩

在寧都之桃林寺寺有李後主重陽

詩及禪月畫十八羅漢有孫志康題名真跡存焉

安國寺記

在寧都縣西氏里有五代末御史大夫愉

安國寺記

嘉濟廟碑

廟在水東五里廟有唐進士楊知新偽吳

薛光範二碑

南唐徐鍇碑 舊在天慶觀又有徐鍇施造石磬仍為

之銘

景德觀碑 在州之景德觀徐鍇為之記徐鉉篆額

章貢舊志 曹訓序

興國軍碑記

唐重巖寺記 在軍城景德寺唐太和元年舒元輿撰

唐大巖寺記 在永興縣西北白巖寺乃唐尚書右僕

射中書令杜正倫撰江夏費冠卿書

富川志 潘廷立序

寧江軍碑記

毛玠之墓碑 郡城西有風義堡昔年進士陳京於圃
中掘得斷碑有毛玠之墓碑五字

天慶觀殿額 南唐徐騎省書云金闕寥陽之殿今有
石刻

天慶觀記 在軍城之天慶觀南唐徐騎省為記

戲魚堂帖 帖十卷元祐中寓客劉次莊摹淳化禁中
本而刻之次莊又自為法帖釋文十卷其帖今與潭
帖武岡帖並傳

建昌軍碑記

唐麻姑山壇記 集古錄云唐顏真卿撰并書碑以大
曆六年立在南城縣

唐小字麻姑壇記 集古錄云唐顏真卿撰并書記文
及刻石年月與前帙所錄者同而字甚小

唐鄧天師碣 靈昌郡太守李邕撰

唐大德和尚石塔碑銘并序 白居易撰

唐南城縣客館記 獨孤及撰

唐鄧先生墓誌銘 鄭畋撰

唐南城縣羅城記 刁尚能撰

南唐盱江亭記 韓熙載撰

建昌軍圖經 李宗諤編

盱江志 闕

南安軍碑記

橫浦前集 楊邦彥跋

橫浦後集 方崧卿跋

開鑿大庾嶺路碑 見張子壽集有云初嶺東廢路人
苦峻極開元四年冬俾使臣左拾遺內供奉張九齡
緣磴道披灌叢相其山谷之宜革其坂險之故

揚州碑記

龍興寺謹律和尚碑號四絕碑 九域志云在龍興寺

李華文張從申書李陽冰篆額時人謂之四絕碑

姚崇立碑紀德

南都梁山倉記 沈亞之撰

漢俞鄉侯季子碑 集古錄云隸書不著書撰人名氏

其碑但云來居此邦不書郡縣之名不著所立年月

今在揚州

大唐岐國杜公淮南遺愛碑 權載之文

大觀九域志 劉彥序 揚州詩 秦觀編

真州碑記

石帆銘 宋中書舍人鮑照文

梁孝敬寺刹下銘并發願文 二碑亦在靈岩山法義
禪院

顏王墓碑 在揚子縣十都顏王村墓前有碑碣字畫
磨滅

治山祇園寺碑 在六合縣東北有唐開元二十二年
建寺碑

唐正晦先生碑 先生姓陳名融貞元五年東平呂溫

述

唐靈居寺碑 在六合縣西北靈居寺有唐太和四年

碑進士河南孫叔矩文

冶山寺碑 在六合縣冶山寺寺有碑其來甚久

三絕碑 即發運司東園記也歐陽永叔文蔡君謨書

蔡君用顏筆而作褚體故名三絕

楚州碑記

漢東海恭王廟碑 在山陽縣有碑斷裂僅有數十字

云東海恭王祠

唐得寶記 楚州刺史鄭輅撰舊有碑今在寶應縣

唐娑羅木碑 在淮陰縣南大寧寺唐開元十一年海

州刺史李邕文并書

娑羅碑陰刊上海州李使君狀 唐淮陰縣令張松質

書

趙悅遺愛碑 集古錄云唐楚金撰不著書人名氏此

碑淮陰所立天寶十四年刻

開元聖像碑 集古錄云唐陳知溫書開元二十九年
玄宗夢人告之曰吾汝祖也有像在京城西角百里
可求之當見汝於興慶宮得之於藍屋山此碑以天
寶元年淮陰太守李謹所建

彌勒尊佛碑 在淮陰縣南大寧寺垂拱四年宋寧積
文發運使蔣之奇題碑陰曰寶積碑字字奇古惜乎
不載名氏也

龍興寺碑 寺在清風門裏舊有斷碑

白鶴觀碑 觀在山陽縣治之後

五君子帖 蘇子瞻黃魯直秦少游張文潛鄒志完與
節孝徐仲車往還詩簡也知州向洹刻於郡齋今見

在楚州 闕 觀

米南宮帖 元章為漣水軍時與賀方回王彥周諸公
往來詩帖也

新建學記 慶歷二年宋景文公祁記

淮陰侯廟記 蘇軾文

開禧守禦事實 合肥錢本乃刻之山陽

秦州碑記

東都天女寺尼性空大師塔銘 唐元和六年給事郎

于志言文

潁川庾府君夫人徐氏墓誌 在務本坊乾道六年武

烈帝廟鍾書築墻得石乃唐元和十一年刻好事者

摸數十本復藏之故處焉

李陽冰碑 在城隍廟

妙慈和尚塔銘 斷缺不見歲月云

闕

文而缺其姓

吳陵志 萬鍾序

通州碑記

輿亭記 鄭獬撰

崇州文宣王廟記 王隨撰

海門興利記 沈興宗撰

崇州廣教院記 王隨撰

滁州碑記

李庶子泉銘

集古錄云唐李陽冰撰并書鑿并

闕

山勒銘於泉之側石上其傍又有陽冰別題十八字
皆以大曆六年刻在滁之瑯邪山歐陽公謂學書者
皆云陽冰之跡世多矣無如此銘者中更兵火古刻
敝失後再刻於郡齋

懷嵩樓記

李德裕撰

瑯琊溪述

唐大曆六年刺史

闕

琅邪溪記 唐秘書郎劉灣撰

寶曆寺記 唐貞元三年崔祐甫撰

白知節告身石刻 今琅邪寺有唐滁州刺史白知節告身石刻乃開元十七年也

新興縣院講堂碑 在全椒縣之新興院唐顏元孫撰
林希望白鶴碑 作于唐景雲元年在全椒縣之白鶴觀

侯並寺古碑 在全椒縣之侯並寺

醉翁亭記 歐陽公文東坡書今 闕 而舊本 闕 存

十 闕

醒心亭記 曾南豐文

豐樂亭記 曾南豐文

曾子開慶歷集 闕 慶歷以前滁陽事迹之 闕

者

為慶歷前集慶歷以後見于詩文者為慶歷後集

高郵軍碑記

寶巖院石刻 在興化縣舊縣治唐天順九年置塔基
甃石有刻今尚存

南宮米公碑 詞云澤國之女嗜膚露筋不亂有情
之子氏不顯於一時名可碣於萬世

新建高郵軍城記 梁周翰撰

禪居寺五百羅漢殿記 紹興四年太歲丁丑漣水軍
使米芾書

掩關銘 秦觀銘元豐初舉進士不第退居高郵杜門

却掃以詩書自娛乃作掩關之銘

高郵志 無編集人姓名

高郵詩 秦少游編

六藝之一錄卷一百三

欽定四庫全書

六藝之一錄卷一百四

錢唐倪濤撰

石刻文字八十

宋王象之輿地碑目

盱眙軍碑記

唐先福寺聖井記 在古盱眙先福寺舊有碑漫不可
考額篆唐正元寺碑上有唐翰林學士是道微數字
存焉

磬泉 在古離宮西南任家山側上有石刻曰磬泉

繡巖堂碑 米芾書

唐法華和尚焚身碑 在昭信縣彭村市南妙明觀

都梁志都梁詩 並霍筮序

都梁續志都梁續詩 並耿興義序

廬州碑記

廬州重建巢湖太姥廟記 唐龍紀元年那甚夷撰今

在巢湖廟中

唐旌表萬敬儒孝行狀碑 大中十三年知州盧潘立

今在孝義坊

南唐重修巢湖太姥廟記 保大二年立今在巢湖廟

中

新開肥河記 開寶四年立今在布政坊

廬州五縣均田記 開寶四年立今在布政坊

唐盧潘四辯 謂左傳中廬在襄陽之宜城不當以廬

為中廬振廩同食亦在楚莊王新都之處不當命廬

江之館曰同食館又謂爾雅歸異出同曰肥不應指
夏水與肥水合羣帥囚於冶父乃在荆襄然不應在
廬江

浮槎寺八紀詩 集古錄云唐沙門僧皎撰不著書人
名氏凡詩八首不著刻石年月在廬州浮槎山下

李翱奏田稅表 集古錄云不著書撰人名氏碑以寶
歷元年立

霍公修齋記 集古錄云不著書人名氏其碑文但稱

滑毫節度使霍公而不著姓題名附在廬州

梁公德政碑 集古錄云唐宮錡撰韋玩書薛益篆額
碑以大厯四年立

咎繇碑 皮日休文有云太史公目禹封咎繇之後于

英六日休道出英六關下厥祀存焉乃再拜于廟庭

退而碑之請從陽少關刊於壁

梁縣定光院金剛經碑 其碑八九段甚古

衣錦亭記 天禧間張君房作以馬亮兩守鄉國故名

又有衣錦坊

浮槎山水記 歐陽修文今在福嚴寺內

李伯時山莊記 東坡嘗書李伯時山莊圖後云伯時

作龍眠山莊圖自西而東凡數里其可游者凡二十

處子瞻為之記子由有詩二十首韓駒子蒼又從而

和之亦二十首云

新合肥志 六安郡文學劉澹然序

安慶府碑記

唐李習之題刻 在山谷寺見張商英游潛山詩

法華院額 在桐城唐宣宗御書

唐太平興國寺碑 乃調露年間碑圖經載為薛稷書
又有唐穎碑亦有古法

唐天柱山司命真君碑 大曆八年

舒州丹霞院新泉記 保大二年

潛山真君廟左真人仙堂記 開成三年張虛白撰

皖山祠碑 唐永淳元年太湖縣尉劉嘉哲撰劉師憲

書

山谷寺璨大師碑銘 唐寶應元年房琯文徐浩書

山谷寺智禪師銘 唐大曆八年獨孤及撰張從申書

三祖大師碑陰記 唐咸通二年張彥遠撰

麴令祠堂記 開成九年

開元寺碑陰碑 南唐順義九年李宗撰

喬公亭記 篆法甚古寶大十三年徐騎省記

周將軍廟碑 寶大十三年徐騎省記

山谷寺三祖大師碣 唐御史中丞包佶撰建中三年

立

文宣王廟碑序 徐闕

龍門寺記 徐闕

九疊松贊 徐闕

保大中勅書石刻 在三祖乾元寺

四面三大中寺唐碑 在太湖縣北十五里有古碑題

大中十三年建咸通五年重修又大觀中知太湖孫

總記云大中帝者宣宗也其微時嘗避禍祝髮為比丘周遊天下築菴隱於是

同安志

錢紳編

續志

蔡時編

舒州新堂銘

李翱撰

四絕碑

集古錄云唐李陽冰篆并李華文張從申書

雙溪院碑

集古錄云南唐徐鉉撰并篆額碑以保大

十三年立

靈仙觀碑

張編云興國七年舒州懷寧縣有老僧詣

萬壽山取寶掘得點石刻誌公記云吾觀四五朝後
次丙子年趙號太平二十一帝僧忽不見州以石刻
來獻六月甲戌詔舒州修司命真君祠號曰靈仙觀
九朝通畧云太平興國四年嘉州亦有石文云趙二
十一帝

蘄州碑記

松公生祠碑 集古錄云唐張粲撰史惟則八分碑以
乾元二年立在於蘄州

唐太守杜敏生祠碑 見九域志

唐震覺大師碑 白居易文見九域志

唐戴叔倫撰曹王皋出師碑 在黃梅縣東一里五祖

院衆造寺

蕪春志 丁光遠編

和州碑記

和州刺史廳壁記 在後廳西唐劉禹錫文其畧云歷

陽古揚州之域于天文直南斗魁下在春秋實吳之

封後為楚所取秦并天下以隸九江所治晉平吳復隸淮南至永興初因析為郡而益之以烏江宋建臺日為南豫州又益之以龍亢梁之亡也北齊圖羈功擁正陽侯淵明以歸王僧辨來迎會於茲地二國協和故更名和州

唐劉禹錫和州詩 在後廳東

唐劉禹錫陋室銘 柳公權書在廳事東偏之陋室

唐李思聰鷄籠山詩 在小廳東

唐李白天門山銘 御史邢夢臣書在小廳東

唐柳公權書金剛經 在金山褒禪寺

唐李陽冰篆西楚霸王靈祠額 在烏江廟

唐張翱白字碑 在烏江廟

唐李德裕項亭賦 在烏江廟賦云望父老之蒼然嘆

烏江之不渡思項氏之入關按秦圖而割據恃八千

之剽疾棄百二之險固咸陽不留王業已去雖未至

于陰陵誰不知其失路恥猴沐之醜詆乃烹韓而泄

怒謂天命之我欺何霸王之不悟

唐姚闢烏江圖經詩 在烏江項王廟碑陰

李宗重修碑 在烏江廟

南唐保大中碑 在烏江廟

舊圖經 治平間余從周修

新圖經 程九萬序

黃州碑記

圖經 李宗諤編 齊安志 厲居正編

齊安集

許端夫編

齊安拾遺

許端夫編

齊安故實

王中實編

春亭記

韓居為亭魏公記之其後魏公因黃人孫賁

來見感念作詩有當念春亭記焉敢示不朽之句賁以魏公詩刻石東坡為之記云

濠州碑記

唐彭晁禹廟記

記大畧云昔禹治水之日會于塗山

則此地是也今禹會鄉因茲而立今有禹家夏家者

皆是禹之苗裔元和十四年彭晁記

唐勸栽桑碑 在定遠縣門外唐大中十四年濠州刺

史侯固奏乞令人廣栽桑而官司無收稅

唐杜亭碑 在鍾離縣西七十里遺碑 元和中太常

寺協律郎杜牧作今碑尚存

州碑古篆 世傳以為李陽冰書按唐地里志州舊名

豪至元和三年始益之以水作濠是時李陽冰歿已

久矣或云元豐中郡人錢叔獻見一石刻云豪州碑

文開元寺碑皆江南韓熙載書

智源禪師塔銘

元和九年立在鍾離縣西南九十里

今為廣慧寺

唐張皓禪窟寺碑

在定縣西北三十里太平興國禪

院

唐應福寺彌勒佛記

咸通四年立在城中之乾明寺

唐勸農勅

集古錄云不著書人名氏唐宣宗時濠州

刺史侯固奏言其州以桑為稅民患伐去之固勸使

栽植請除其稅勅依其所請并李宮請立石狀同以
大中十一年立今存

光州碑記

漢遺愛廟碑 期思遺愛廟在固始縣西北七十里昔
楚莊王封孫叔敖之子于寢邱建廟期思歲久祠宇
毀壞漢延熹三年固始縣令段君復為立祠且刻其
事于石碑畫今存元豐八年勅以遺愛之碑為額阮
之武詩云楚續光輝存簡策漢碑突兀鎖期思風雲

會合當年事簫鼓喧闐此日祠弱質負新廉節著怪
蛇膏劍德名垂廟封又見標遺愛子產陰靈想已知
梁大同七年石柱記 在城北二十五里之中普明寺
上有鐫記于酉字上漏一字圖經遂改大同七年為
天監七年象之謹按天監七年乃是戊子大同七年
則為辛酉當作大同七年

唐刺史郭道瑜德政碑 九域志

新浮光志 褚孝錫編

無為軍碑記

晉人書法 在寶晉齋

巢縣大力寺掘地得碑 其碣云地去巢城七里分招
提名目古今存風磨斷礎痕皴暗雨剝殘碑點畫昏
一道澗聲飛石壁兩邊山色鎖雲根杜鵑花裏啼幽
徑往事依稀似訢論

紫微洞有唐人題刻 在巢縣洞內有唐人杜子春等
七人貞元二十一年磨崖阮戶部有詩云一溪流水

過雙池池外三峯雲四垂行到唐人題字處紫微岩
下立名時常取水以淪茶有詩云紫翠山圍小洞天
洞中石下有寒泉他年誰補茶經闕合在唐王谷水
前

巢縣紫微觀隋碑 隋開皇十四年劉穎製銘云廬州
襄安縣紫微觀晉咸康四年會稽道士王妙才之所
創也其碑皴剝難讀

南唐重建巢湖神廟碑 在巢縣元和七年立其畧云

昔姚萇有不臣之迹，堅怒，乃詔白將軍虎斬萇。虎戰敗，力窮，沈於濡水，而堅亦敗。績為萇所殺云。

安豐軍碑記

東漢孫叔敖廟碑 在安豐縣東三里孫叔敖廟

八公山廟碑 在壽春縣北四十里八公山廟前有碑
乃齊永明十年所立

宋武帝受命壇碑陰 在宋武受命壇

唐楚王祭淮壇碑 在壽春縣北四十里唐永泰元年

立

壽州刺史張公度去思碑 大曆十年起居舍人趙運

文撰王湍書

春申君碑 皮日休文有云春申君憂君不勝以身市

竒計不曰忠乎荆太子既闕孤在秦不信刑待禍若

自屠以當饑虎不曰烈乎然徙都于壽春失鄧闕之

故去方城之險捨江漢之利其為謀已下矣猶能以

吳為宮室以魯為封疆春申之力哉

萬勝岡新城錄 沈亞之撰

壽州團練新廳壁記 沈亞之文

衡州碑記

神禹碑 韓文公岫嶠山詩云岫嶠山尖神禹碑字青

石赤荆募奇科斗拳身薤葉披鸞漂鳳泊挈虎螭事

巖迹秘鬼莫窺

石柱 在耒陽縣西五十里其上有字今磨滅所可識者天寶之字而已

唐文學儒林碑 有大唐文學儒林碑

銓德觀碑 上有開元二十年衡州司馬趙頤真

漢桂陽周府君碑 上載東海萊陽人谷朗為九真太

守朗既為萊陽人則碑疑在萊陽縣又有周府君碑

聶氏墳石誌 在衡陽縣西九十里

羅彥墓碑 在萊陽縣西南二十里

谷昕墓碑 在萊陽縣東北五十里碑云延康五年建

於此

元次山茅閣記 在子城西永泰二年記

元次山寒泉銘 在平陽江口

東巖記 在合江亭東貞觀五年刺史宇文氏記

西谿記 在合江亭宇文氏有銘

衡陽志 宋剛仲序

吳九真谷府君碑 集古錄云隸書不著書撰人名氏

碑以鳳凰元年立在萊陽

臨海谷侯碑 集古錄云隸書不著書撰人名氏碑亦

無年月不知何時立也在萊陽

永州碑記

大唐中興頌 在祁陽浯溪石崖上元結文顏真卿書

大曆六年刻俗謂之磨崖碑又按練潛闕熙寧間作

笑峴亭記曰次山文章遒勁魯公筆畫闕皆有以

動人耳目故中興頌寶之中州士大夫家而浯溪之

名因大著稱

浯臺銘 集古錄云唐元結撰書不著名氏浯臺巨石

也銘以大歷二年刻又有唐亭東崖浯溪石堂四銘
皆結撰真書不著名氏大歷六年刻

朝陽巖記 元結所刊記在巖下自唐迄今名公留題
皆鏡于石

小磨崖 山谷浯溪詩後人目為小磨崖又王明清揮
塵錄云崇寧二年黃魯直竄宜州泊於零陵時外祖
曾空青坐鉤黨先徙是郡約游浯溪觀中興碑太史
賦詩書姓名于詩左外祖止之云某方為流人豈可

出郊公又遠徙豈可不過為之防太史從之但詩中
云亦有文士相追隨蓋為外祖而設

秦少游中興頌碑 秦少游詩玉環妖血無人掃漁陽

馬厭長安草潼關戰骨高于山萬里君王蜀中老

零陵志 張埏序 浯溪前集 李仁剛編

浯溪後集 侍其光祖編

郴州碑記

義帝碑 在義帝廟

道州碑記

故平都侯相蔣君之碑 在營道縣南三十里荆山

漢故綏民校尉騎都尉桂陽曲江長熊君之碑 在營

道縣北四十里龍村

無為觀鐵磬文 在修真第二壇無為觀其文云齊永

明十年四月五日國主為一切含識造鐵磬十二枚

無為洞篆刻 洞在寧遠之舜溪碧虛洞元次山銘

正元間李嶠篆 在寧遠之永福寺東

元次山永泰二年題名 在寧遠紫虛洞柳子厚記後
人集徐浩書再刻

道州刺史廳壁後記 刺史呂溫撰

唐永徽甲寅碑 在天慶觀

唐周魯儒碑 在江華薦福寺唐太和六年立

舜廟狀舜祠表 圖經云江華令瞿君善篆籀元次山

陽華寺等銘窠樽銘舜廟狀舜祠表皆其所書也

舊碑 在懷古亭西石上有州刺史河內字有前江華

令瞿令聞書名之址有二三十字末有大曆字八分書也

九疑圖記 永泰丙午元次山撰

寒亭記 元結撰瞿令聞八分書亭在江華縣

窳樽銘 元結撰瞿令聞書

陽華巖銘 元結撰瞿令聞書 已上三碑并永明二年

刻集古錄云

道州律令要錄序 呂溫撰此州法吏何洛庭良士也

温與其最要講其義書於廳事焉

令暉巖記 唐劉夢得文

天皇元年舜碑 在玉琯岩

春陵志 章穎序

邵州碑記

古刻 無 釋菜文 在郡學濂溪周先生文

修學記 在郡學廣漢張栻記武夷胡宏書

邵陽志 淳熙壬寅教授李韋之序

邵陵後考 郡守鞏嶸序

全州碑記

二妃廟記 在清湘縣南漢初平二年建廟唐元和間
柳宗元為之記

盤石廟記 黃庭堅文并書

桂陽軍碑記

盤王舊經 見于太守題名下

韓張亭碑 在臨武

龍川廟碑 在藍山

桂水集 在桂陽志太守題名下未知編集人姓名

桂陽志 教授鄭紳編

武岡軍碑記

柳子厚武岡銘 見柳文

都梁志 鄭昉序

茶陵軍碑記

闕

江陵府

上

碑記

闕

江陵府下碑記闕

孫叔敖碑 即楚相孫叔敖諱饒縣人也碑以延熹三

年立

鷓鴣賦碑 在枝江縣楊內翰宅係草書前有隋大業

皇帝序云陳思王魏宗室子也後題云黃初三年二

月記

晉公安縣二聖記 永和年間晉人王粲記婁至德如

來聖跡

曹子建碑 在枝江

楚莊王廟記 羲之書

倚相碑 羲之書

唐明皇注老子碑 在城西開元觀乾道五年張孝祥

移于府治

三公廟碑 唐呂諲以陶侃羊祜杜預三公聚為一廟
後又祀諲於其西元結為之記云今存

韓文公題名石刻 江陵志愈為江陵法曹當時之題

名石刻存焉

唐武士護都督荊州碑 按江陵舊志載武士護貞觀
中為荊州都督有白狼嘉禾出境內太宗手勅褒美
此碑開禧丙寅後因修大軍倉得於地已碎裂今因
見存者而載之

後梁宣明二帝碑堂 劉禹錫撰又作詩云玉馬朝周
從此辭園林寂寞對豐碑千行

闕

樹荊州道暮雨瀟

瀟聞子規

荆南節度判官廳壁記 皇甫湜撰

枝江縣南亭記 皇甫湜撰

白石驛碑 集古錄云江陵北西十里白石驛碑蓋驛側數里有後梁宣明二帝墓唐相蕭嵩為其祖立碑于驛之北因名

唐楚王堤記 貞元十年沙門真裕集晉王羲之書

唐江陵尹呂諲廟碑 衛憲撰顧誠奢書

唐江陵尹呂公表 集古錄唐元結撰顧誠奢八分書

碑以肅宗元年立存江陵府呂公祠堂中

城西開元碑斷碑 查藻詩云斷碑最愛開元時上有

糝糊五十字

法華臺記 在枝江縣法華臺至道三年春鄭文寶掘

地曾獲法華臺記

古帝寺碑 在潛江縣二十里東北寺內有斷碑一截

其字跡已磨滅不可讀

江陵府官石幢記 唐貞元十年吳仲舒纂元豐六年

得之於金鑿寺亦有黃魯直留題帥王師心移置於
祀梓堂下

經藏修造記 在龍門山外金鑿福昌禪寺晉天福六
年勅經藏修造記有序

南平高王廟碑 周顯德二年孫光憲撰今在城西三
王廟前

南平高武信王神道碑 王諱季興葬于江陵縣龍山
鄉乾德六年陶穀撰

寇萊公祠堂碑 劉敞撰

唐質肅公神道碑 劉贄撰

渚宮故事 李淑邯鄲志載渚宮舊事十卷唐金知古撰自鬻熊至唐江陵君臣人物事迹子史傳記所載者悉纂次之今有第五卷云

鄂州碑記

太宗御書崔顥黃鶴樓詩 石刻在州治

舜帝廟碑 在蒲圻縣北有斷碑載二妃事字沒滅不

可考

隋文帝舍利石塔銘 在州東十里勝緣寺塔記云隋
仁壽初文帝以釋迦如來感應舍利分布天下建塔
百所是塔為天下第二

緣果道場碑塔舍利銘 隋人撰近時民家掘地得之
唐閬州武陵縣令翟府君墓銘 貞元十一年碑今在
總領所

唐寧遠將軍李公墓銘 貞元十三年

唐扶風馬氏墓銘 元和七年

唐胡府君夫人朱氏墓銘 太和七年

唐處士韞墓銘 開成三年

唐姜夫人墓銘 開成三年

唐故鄂闕墓銘文 會昌六年 已上七碑皆近時掘地得

之今在左軍統制衙

唐寶豐院記 在江夏縣東六十里本唐末貴州刺史

王統母陶氏墳菴有記乾符四年朱朴撰今記猶存

唐茱萸山存制大師碑銘 在崇陽之金界院唐乾符

乙未趙璘撰

頭院寺碑 舊碑乃瑯琊王巾簡栖文唐開元六年張

廷珪書今亡新碑乃江南徐鍇篆額韓熙載撰碑陰

今新碑在寺

黃鶴樓記 在黃鶴樓唐永泰中韓伯瑄撰魏萬成書

李陽冰篆額

唐德尖山院塔記 在咸寧縣西二十里唐中和三年

初有古石塔鐫記猶存

李陽冰篆鄂州字 鄂州二字唐寶應二年李陽冰篆
世傳初篆時鬼神泣空中士大夫爭奉以致遠謂可
以禦魑魅

吳乾正二年石幢 在江夏縣東南五里慈雲院有石
幢刻吳乾正二年重建又有唐寶大間所建殿猶存
鄂州南樓磨崖記 容齋四筆云慶元元年鄂州修南
樓剝土有大石露于外奇崛可觀郡守吳琚見而愛

之命洗別出圭角即而諦觀乃磨崖二碑其一刻柳
字上曰柳徑二尺四寸筆勢清勁下若番書人字唯
夫脚不可復辨或以為符或以為花押邦人至標節
置神堂香火供事或云道州學側虞帝廟內亦有之
云柳君應辰是唐末五代時湖北人也其一高丈一
尺闊如其高而加五寸刻大字八十五凡為九行其
文曰乾正元年荆襄寇亂大將出陳武昌詔太守楊
公出鎮後云荆江京漢推忠輔國侍衛將軍居中記



六藝之一錄卷一百四

欽定四庫全書

子部

六藝之一錄卷二百五
七至

詳校官中書臣陸 湘

貢外郎_臣牛稔文覆勘

總校官檢討_臣何思鈞

校對官編修_臣沈清藻

謄錄監生_臣朱上林

欽定四庫全書

六藝之一錄卷一百五

錢唐倪濤撰

石刻文字八十一

宋王象之輿地碑目

常德府碑記

唐桃源碑 詳載溫造所述碑中

唐梁山廟碑 唐元和四年董挺撰修陽山廟碑唐太

和元年刺史劉端夫賽請陽山神文又沱潛別有陽

山廟董劉二碑在焉徐鍇方輿記誰謂梁松征蠻死於此為其神樂史寰宇記亦祖于此不知後漢書載松征蠻歸死洛陽與此所載不同

赤山廟碑 在元江縣東北五十里赤山廟有碑言光宅二年立廟天寶六年改其山為蠡山

招屈亭碑 唐龍朔中縣令蔡朝英重修且刻石以記其事

沈公臺碑 在武陵西南三里光福寺竹林中今猶存

有故碑題額六字云重建沈公臺記為沈約為沅南
令按約傳未嘗令沅南也

清陵館碑 在郡西西明寺寺後有臺云是李陵為臨
沅令遊息于此有古碑字跡磨滅不可讀

天慶觀碑 乃白雲先生管師復集柳公權撰字畫端
楷人以為法

天王院碑 建隆元年丞相范質書

桃源行 容齋三筆云陶淵明作桃源記云源中人自

言先世避秦時亂來此乃不知有漢無論魏晉繫之
以詩曰嬴氏亂天紀賢者避其世黃綺之商山伊人
亦云逝願言躡清風高舉尋吾契自是之後詩人多
賦桃源行亦不及淵明所以作記之意按宋書傳云
潛自以曾祖晉世宰輔恥復屈身後代自宋高祖王
業漸隆不復肯出所著文章皆題其年月義熙以前
則書晉氏年號自永初以來唯云甲子而已然余竊
意桃源之事以避秦為言至云無論魏晉乃寓意於

劉裕而秦借以為諭云耳

桃源石文 夷堅志云建炎三年鼎州桃源洞石澗有文似天書而字畫皎然可識凡三十二字云無為大道天知人情無為窈冥神見人形心言意闕鬼聞人聲犯禁滿盈地收人魂其言雖簡而警於人

桃源山界記 集古錄云唐狄中立撰徐元書并篆額
開成五年立

賽陽山文 集古錄云唐劉端夫禱陽山文凡五 不

著書人名氏以太和九年立

武陵北亭記 劉禹錫撰

圖經 郡守胡介序

岳州碑記

湘夫人碑 岳陽志云黃陵廟前有荊州劉表題云湘夫人碑庭有斷碑晉太康九年立額題曰虞舜二妃之碑元和十四年韓愈過而禱焉

無姓和尚碑 報恩光孝寺舊名至安即柳宗元無姓

和尚碑所著者也

石壁篆文 岳陽志曰平江縣有昌江山真人艾君居
之石崖壁立 有篆文夏禹治水嘗至於此

君山神祠堂記 懿宗咸通四年巴陵令李密思撰桂

陽 闕 陳 闕 書

樵桂堂記 滕宗諒撰

江心小石詩 蛟室圍青草龍堆擁白沙護江盤古木
迎棹舞神鴉破浪南風正收帆畏日斜雲山千萬疊

底處上仙槎王直方云此老杜過洞庭湖詩也李希聲云得之于江心一小石刻潘子真云元豐間有人得此石刻于洞庭湖中而不載名字或以示山谷曰子美作也今蜀本已收入集而不記其得詩之由故錄其詳

黃陵廟碑 集古錄云韓愈撰沈傳師書長慶元年立
夏侯宋客墓碑 夏侯宋客為岳州刺史墓碑見在華容元次山文事見鄂州舊圖經

幕阜山記 在平江縣記曰山有石壁刻銘上言禹治水登此山高有平地二千八百丈周五百里

四絕碑 滕宗諒守岳取岳陽樓古今賦詠刻石范文正公為記蘇舜欽子美書其丹邵餗撰其首詩稱四絕碑

澧州碑記

雙泉山僧石碑 寰宇記澧陽縣雙泉有高僧修行于此有石碑缺落

慈雲禪寺碑 卽澧陽藥石寺唐光啓二年雷滿奏立

寺額斷碑尚存

香積院古碑 在澧陽縣西一里有古塚及古碑沒滅

不可讀惟額存三大字曰石墓誌不知其為誰氏也

藥山牛欄八字古碑 不知歲月刻石藥山

田朝奉墓碑 在石門縣 元豐五年蘇頌文

柿木成文太平字 言行錄富弼言澧州柿木成文有

太平字公言今四海騷然未見太平之象請不宣

靖州碑記

唐久視中古碑 圖經云元豐癸亥通道于廣西於溪
旁得一古碑乃唐久視中碑 見鑿字溪下

峽州碑記

廢汝陽觀碑 寰宇記云在遠安縣梁大通五年荊州
刺史湘東王繹撰

李刺史墓碑 隋大業五年葬在廢狼山縣南舊經云
墓前有碑篆蓋云南郡太守李巴西墓

曹王皋墓 在廢狼山縣南六十里貞元中曹王皋為
江陵節度使荊州記云李曹王葬焉

李家石碑 荊州記云縣長南陽張朔撰在廢狼山縣
南文缺落不可辨

李將軍墓經幢 在清江北霧洞山李景威嘗事高季
興高氏納土守義以死子孫因家墓旁有經幢可考
歸州碑記

古松枝碑 在高陽鄉朱家村碑在樹上去地十餘丈

相傳云昭君祖塚碑

石柱廟碑 廟在秭歸縣之長城鄉相長村

唐黃魔神廟記 載唐蘭陵公自右史竄黔南沂峽夢
神蔣佑助公出郡紀載甚詳乾符丁酉司戶袁緡記
今其碑在紫極宮又有譽鄉磨崖趙公記及張無盡
正說碑載李吉甫及寇萊公舟行皆獲神之助云

玉虛洞碑 有唐碑一片在洞門崖石之下

混元皇帝像 在郡西五里天慶觀開元二十九年牛

仙客奏置天寶元年劉守滔刻之石

唐混元皇帝像及銅鐘 在郡北龍興觀內有混元皇

帝像及唐儀鳳二年歸州刺史董寄生所造銅鐘重

十斤

懷忠堂記 至和中蔣棨作懷忠堂記謂戰國距今作

者如宋玉則止於辨王褒止於懷劉向止于歎賈誼

止于弔皮日休止于諷梁宋則悼騷而已揚雄大儒

猶曰遇不遇命也何必湛身哉不知先生之心三仁

之心也 蔣槩有三游洞記與周茂叔俱游得處友
必端矣

辰州碑記

銅柱銘 在會溪城晉天福五年溪州刺史彭士愁納
土求盟楚王馬希範請於朝以立之學士李皋為之
銘五代史謂之彭士然者字之訛也當以辰州碑為
正

景星寺碑 安福寺在沅陵縣城外西南隅寺有盧藏

用所撰寺碑猶存

義蓮堂石刻

淑浦紅旗石壁間有義蓮塘三字石刻

存

瞿栢亭記

長慶二年刺史溫造刻石紀其事于桃源

復州碑記

會景石

上題唐朝竇使君名

夢野亭記

景祐五年郡守王琪撰

夢野亭詩

景祐間諸賢所作

蘭亭記藁石刻 太守何公桀刻

陸鴻漸煎茶碑

陸文學傳 集古錄唐劉宣鴻書陸羽自叙也劉虛白以羽自傳并李陽寫真讚又為後序附咸通十五年刻石在復州

龍蓋寺碑 集古錄唐徐元弼撰王辭書碑以開成五年立在復州

德安軍碑記

晉董黯墓碑

圖經云即董城石孝感縣北一百三十

里昔孝子董黯家焉故後魏大統十六年改為董城
郡然明州慈溪縣亦有孝子董黯墓唐徐浩所書碑
碣尚存當考

玉碑

唐史云州東十八里有宰相村即唐許氏墓昔

人因葬發地獲一碑石即孝昌公許君墓碑治平中
郡守周燮以其石類玉以為玉碑自其墓輓入城易
以他刻磨去其文視之非玉也鄭獬遽止之無及矣

金泉寺唐碑 寺在府西五里有石浮屠九級上鐫數

百字周武帝延載元年安陸縣闕達等所建

唐李聽碑 集古錄云聽自安州刺史遷神武大將軍而史不書獨見此碑

荆門軍碑記

蒙泉題詠序 由沈傳師而下得五十五人朱震序

後梁宣明二帝碑 在長林縣南一百五十里唐韓休

撰

沈約墓碑 在本軍管通判家

玉泉二碑 其一邵明其一李安期

玉泉山大通碑 唐神武皇帝所題

唐正元玉泉廟記 大理評事董挺

三星院石塔刻 在當陽縣東莒堰其石柱刻云唐貞

元十七年葬智壽和尚舍利塔

三王城古碑 在當陽縣之綠林山漢王匡王鳳王常

之所屯故曰三王城城中有故碑字缺落

餐霞觀碑

在當陽縣之圓臺有餐霞觀基乃陳宗遜

撰庾遠書碑字剝落其碑中前梁尚書侍中基州長

史云云

石馬洞碑

在花溪之下清溪之上其廟神即關王也

五代間有斷碑尚存

永興觀碑

在當陽縣後街唐元和中立

唐南泉大雲寺蘭若和尚碑

天寶中作

唐王蘂詩

集古錄云在荆門惠泉寺唐沈傳師李德

裕唱和也

關將軍祠堂記

集古錄云唐董挺撰張儉書以貞元

十八年立

二聖金剛碑

集古錄云唐瞿僎書開元中有史清者

過洞庭遇風將溺潛禱之見三人移其舟于沙上而
免由是往來行旅皆禱祠之碑以元和三年立

漢陽軍碑記

晉征南將軍胡奮碑

元和郡縣志云在魯山

南平將軍黃廣之碑 寰宇記云在魯山為討杜曾刻
石以紀其事

桂陽軍碑記

唐李刺史墓神道碑 刺史名鳳在郡城東南隅大厯
中為申州刺史有神道碑存焉字磨滅不可讀

舊圖經 教授鄔德麟編 新圖經 郡守闕良臣序
壽昌軍碑記

梁武王華容寺碑 在武昌

西山唱和石刻 在武昌

夏侯宋容墓表 唐元結撰在武昌縣

窳樽銘 在武昌縣

東方山石刻 在武昌之東方山有石刻云漢東方朔之故隱也

惠公禪居表 元結撰在武昌縣

怡亭記 蔣武奇序云怡亭銘刻于江濱巨石之上

乃永泰元年李陽冰篆八分裴虬銘

唐令君馬向石門石刻 在石門郭祥正詩云雙崖屹
然起劉鮮認題識又註云石刻存焉

退谷銘 退谷銘序云杯湖西面是退谷杯湖銘序云
杯湖東抵杯樽西浸退谷北匯樊水南匯郎序

襄陽府碑記

漢元儒婁先生碑 舊在穀城今移在光化軍

漢南陽太守秦頡碑 碑在今宜城縣故牆中

漢郭先生碑 在穀城歐陽公集古錄云歲月未詳不

見書撰人姓名在襄陽穀城縣

東漢襄陽太守胡烈碑 皇朝郡縣志云在南漳縣之

故城

諸葛武侯故宅碣 晉李興撰

魏劉燾學士冢碑 集古錄云文字磨滅其間有稱大

魏而有學士名百餘燾嘗歷穀城令學者從之受業
而死者悉葬之謂之學者冢在穀城縣

晉南陽太守司馬整碑

晉南鄉太守頌 在今副都統司

墮淚碑 寰宇記云在襄陽縣東九里晉羊祐之鎮襄陽有功德于民百姓于峴山建碑立廟歲時享祭望其碑莫不流涕杜預因名曰墮淚碑

梁改墮淚碑 梁大同十年太常卿劉之遴撰今在羊祐碑之陰

梁檀溪寺禪房碑 集古錄云梁劉建之撰沙門道安重建天監十一年立

後梁修峴山亭記 在峴首

陳伏波將軍墓誌序并碑陰 在府治

後周儀同碑 周元年宇文周碑今在襄陽縣民董氏

家按通鑑宇文周立國之初但稱王不建年號至陳

武帝永定三年關崔建議請稱皇帝建年號始改元

武成故此碑但稱元年則此碑之立當在武成之前

後周席肅公神道 保定四年卒碑今在府治

周襄州靜真觀碑 今在府治

隋鳳林寺興國寺碑 集古錄鳳林寺碑庾信撰文又

李德林製興國寺碑隋開皇中立今在襄陽縣延壽

寺

隋啓法寺碑 集古錄云隋丁道護書延壽二年立

隋故處士羅君墓誌銘 在府治容齋隨筆云其字畫

勁楷類褚河南然其父子皆名靖為不可曉龍朔二

年立

唐啓法寺金銅無量壽像碑 張昌齡文永淳二年建

碑今在襄陽縣之龍興寺

唐阿彌陀經碑 無年月在襄陽龍興寺

周襄州靜真觀碑 何彥先撰登封二年立碑在府中

武后時碑也

唐旌表尹孝子碑 張柬之文萬歲通天二年立今在

府中集古錄云天寶五年立

唐襄州徧學禪寺碑 韋承慶撰鍾紹京書開元二年

立今在府轉運司愛峴閣下

唐裴公碑 集古錄云開元八年建在峴山

唐靳公遺愛碑 張九齡撰在峴山

唐獨孤府君碑 集古錄云李邕撰蕭誠書

闕

有

而此尤佳今在峴山

唐金剛經石幢 開元二十六年建碑在龍興寺

唐故襄州處士孟君墓碣銘 唐樊澤撰碑今在谷隱

寺

唐放生江石柱記 集古錄云天寶十載李愷記在府

城小北門外

唐宜城驛記 元和十四年韓愈撰

唐新學記 貞元五年立盧羣文在府學

唐侍中王粲石井欄記 集古錄云貞元十七年于頔

撰胡証書上元二年來瑱移井欄置于刺史官舍

甄濟撰彭朝議書碑在都統司

樊公遺愛碑 李絳撰元和八年立在子城中

唐高廟詩碑 會昌五年立碑在府治

唐蜀丞相諸葛公碑

大中三年李景遜撰今在隆中

唐漢光武新廟祝文

大中八年李景遜撰今在襄陽

之八疊

唐羊公及改墮淚碑

大中九年李景遜重立碑在峴

山

唐置延慶禪院碑

蔣係撰今在延慶寺

唐延慶洞行記

唐咸通蔣係盧滔等游山新題碑今

在延慶寺

唐東海徐公德政碑 李隲撰咸通六年在峴山

唐相公徐公辭立碑表 咸通九年立在峴山

唐聞喜亭記 趙璘撰記在子城上

唐故雲麾將軍宋公墓誌 咸通九年立在張王廟

唐新修後漢荊州劉公廟碑 劉權撰廣明二年碑劉

巨容所立在城中廟前

唐改封諸葛亮為武靈王廟記 唐光化五年封諸葛

武侯為武靈王碑今在隆中

唐延慶寺重修法堂碑 碑字殘缺今在延慶寺

後梁新修峴山亭記 正明二年記碑在峴首

石晉新勅卧龍山武靈王學業堂記 李光圖撰天福

三年記碑在襄陽之伏龍

盧僎碑 集古錄云唐閻寬撰史惟則八分碑字殘缺

劉棗強碑 唐詩紀事云皮日休撰劉棗強碑墳去襄

陽郭五里曰柳子開襄之人只知孟浩然墓不知有

先生墓

峴山亭記 熙寧三年歐陽修記

聞喜亭詩 歐陽修撰在聞喜亭

東坡帖 在高齋

諸葛武侯贊 張栻撰在府治

鄒道卿碑 在府治

隨州碑記

舜井斷碑 碑字漫滅唯碑陰有五大夫字餘亦莫辨
相傳秦時碑舊在舜子巷草間元祐間移置州治今

在漢東閣下元祐丁卯許覺之記碑首有詩云一千二百餘年外萬古銷磨不可尋舜子井泉誰記古隨人閭巷祇知今隸書字雜科蟲體民爵名存樂石陰登覽時來醒醉目也勝他物在園林

漢延熹六年敬祀頌記 在桐栢山淮瀆廟

唐漢東紫陽先生碑陰 李白撰柳公綽書碑角殘缺字漫滅不可讀碑陰寶曆二年

紫陽先生塔銘 李白撰寰宇記碑在廢光化縣

開元寺唐賜院額碑 寺今名普安在城東二里

金剛經碑 亦在普安寺

歐陽文忠公送襄城李令小詩送張文簡三小簡碑刻

在漢東閣下壁門皆真跡

東坡墨跡 崇寧改元刻石今在倅廳

大洪山慈忍大師碑文 楊傑撰

大洪山靈峯禪寺十方記 張商英撰

淮瀆大字 在淮瀆廟

舊志

林序

新志

董之奇

郢州碑記

唐毗沙門天王祠堂記

開成丁巳郢州刺史崔耿撰

荆山郭橋記

貞元十年郢州長史劉丹記

孟亭記

咸通四年皮日休撰云先生襄陽人也說者

曰王右丞筆先生於郢之亭先是亭之名取先生之

名後易之以先生之姓云又江陵寄居李書壽嘉定

庚午于郢州白雲樓之倉側得斷石一塊上有六十

五字乃唐率更體文理斷續不可復讀其間有孟先生三字終于波動岳陽城五字則知其為孟亭記今名尚存耳

風土考古記 教授石才儒作宋王之宅有井龜鶴有池聊屈之山鹿湖之靈雨澤應焉高僧之塔白乳之異光渠懼焉以至新郢肇郢亭之名王維畫孟亭之像李昉闕五容之堂崔耿建大夫之祠皆昔人勝蹟遺跡

均州碑記

漢中部碑

漢張來君碑

魏興太守碑 在豐利縣

隋韋氏神道 並磨滅

隋顯崇觀碑 隋大業五年為至尊皇后祝壽之所記

銘存于州治後碑云大業五年乙巳今五百餘年觀

在鄖鄉縣西二百三十里

大唐威武公廟記 乾道三年翁洮撰山南東道觀察使趙凝立

唐延福寺碑 在郾鄉縣乾明寺上元元年王府功曹沈長卿撰後遭火焚碑湮毀興國中僧海清于坎陷中依堵牆整之如故

石橋記 在武當山墓帽峯

舊魏興寺太守譚義德政碑 在郾鄉縣一百五十里
大唐延福寺浮屠記 咸寧五年創沈長卿纂文張元

靚書

乾明寺重刊經藏記 上元三年建張士遜述黃通書

新圖經 教授段子游序

房州碑記

後唐刺史修廨斷碑 圖經云自唐貞觀十年由竹山

徙房陵廨宇其詳莫可考證近得斷碑數百字有特
修廨署壯郡城之氣槩巧安池榭光衙府之威稜而
逸其年月究其官稱乃後唐之刺郡者

唐述聖碑 在南門外五里田間唐廬陵王嗣聖元年
遷房州神龍元年復辟故宮為龍光寺寺有述聖碑
建中三年立今斷缺不全

乾溪石壁間有篆書古字 見道隆游山記

房陵愍說 皇朝類苑云愍說者不知何人所撰偶一

獎冊中錄之云熙寧丙辰襄州通衢一死婦人因其
夫楊金配隸房陵既死詣州陳請願負夫骨歸葬故
鄉遭時大疫遂斃于道嗚呼轅門之匹婦豈不知改

從于人免凍餒以終餘生乎飜能以義藏中惇然不
憚數千里之遠負夫骨以歸此節婦義女之為反斃
于道天乎福善助順之理信所以難忱也

光化軍碑記

漢元儒婁先生碑 集古錄云不著書撰人名氏碑以
熹平中立在光化軍乾德縣壽墓之側今在縣門下
晉南鄉太守整碑 集古錄云晉南鄉太守碑不著書
撰人名氏碑云君諱整字孔修太宰安平王之孫太

尉義陽王之子今在光化軍軍即襄州穀城縣之陰
城鎮按晉志不列南鄉郡據此碑所載縣令名氏有
武陵筑陽丹水陰成順陽折六縣此蓋南鄉郡所治
也南陽南鄉人為之立此頌碑以泰始四年立今移
光化軍又容齋隨筆亦嘗有云今石刻有晉南鄉太
守司馬整碑其陰刻掾史以下姓名合三百五十人
以晉史考之南鄉本南陽西界魏武平荊州始分為
郡至晉泰始中所管八縣才二萬戶耳而掾史若是

之多掾史既然隸卒又可知矣民力安得不困哉

晉順陽王碑 在固王古城

廣州碑記

吳隱之貪泉詩 在州治廳事東

貪泉碑 唐南海別駕陳元伯銘舊植于泉之側亭上
今徙于廣平堂

廣州都督宋公遺愛碑 張說撰公諱璟

鄉軍堂記 柳子厚文

南海神廟碑 集古錄云唐韓愈撰陳諫書并篆額元

和十二年孫幾重修南海神祠以十五年立此碑在

廣州南海廟中圖經云又有修廟碑修東西二廟碑

梁羅浮山銘 集古錄云梁肅宗撰蕭世真書大同元

年立

廣州古塼 皇朝類苑云魏侍郎權初知廣州忽子城

一角顏執得一古磚磚面範四大字云委於鬼工蓋

合而成魏也乃大築子城未幾儂智高寇廣其一城

擊而摧獨子城堅完民逃于中獲生者甚衆

東莞縣五百羅漢閣記

蘇軾撰又有舍利塔銘詞并

書

十賢贊

并後序蔣之奇撰

州學記

王十朋撰

南海志

郡守陳見序

南海文集

三十卷無編集人姓名

棗陽軍碑記

唐隨州棗陽縣普照寺毗沙門神素像頌并序

驩驩橋石刻 三字在唐城鎮

韶州碑記

漢周府君記 府君後漢時為桂陽太守開瀧水有利
于民當時立碑紀其績碑在樂昌縣西武溪上廟中
郭蒼文碑尾云太和三年重修歐陽公集古錄凡三
跋尾云此君漢書無之今碑石斷缺不著其名

靈地山碑 碑云開山和尚靈震于山頂開池

始興郡記 見東漢志注曲江縣下

唐張九皋碑 集古錄云蕭昕撰史仲方書長慶三年立

陸羽題名 在仙人石室中世傳鴻漸嘗至此

韶州重修東廳壁記 乾符元年刺史謝肇撰

新修虞舜廟碣文 唐嶺南東道節度推官謝楚撰長慶元年立

六祖賜諡碑 唐柳州刺史柳宗元撰元和十年立

張文獻碑銘 唐嶺南節度經畧使徐浩撰長慶三年

立

張尚書碑銘 尚書諱仲方白居易撰

朝陽樓記 皇甫湜撰

余襄公神道碑 歐陽修撰

韶州修衙記 余靖撰

韶州泐溪石室記 余靖撰

韶石亭記 余靖撰

韶州湧泉亭記 余靖撰

韶州真水館記 余靖撰

九成臺銘 東坡

曹溪銘 蘇穎濱撰

濂溪祠堂記 張栻撰

州學濂溪祠堂記 朱熹撰

州學張公余公祠堂記 楊萬里撰

朱晦庵韶州學講堂西四齋銘 明倫堂曰天叙有典

匪學弗明我作此堂大猷是經匪忠曷勸匪學曷程
請爾學子永觀厥成 崇德齋曰尊我德性希聖學
兮玩心神明悅修慝兮 居仁齋曰勝己之私復天
理兮宅此廣居純不已兮 廣業齋曰樂節禮樂道
中庸兮克勤小物來膚公兮 居仁齋曰羞惡爾修
勉擴充兮遵彼大路行無窮兮

六藝之一錄卷一百五